


沈乃文 主編

明別集叢刊 第五輯

第七十二冊

黃山書社





国家出版基金项目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第七十二冊

黃山書社



(明) 盧象昇 撰

明大司馬盧公集十二卷卷首一卷

清光緒元年施惠刻本

光緒乙亥夏鑄

盧忠肅公集

本初藏板

宜興忠肅靈公功名氣節之盛自
正史外傳之者不啻數十家然傳
其人傳其事而於經傳韜畧心
情醞釀之微則非傳紀所能罄
不讀其書終莫窺其底蕴也

叙

一

同治庚午惠承之落邑其時以左
傳君璠廣權荆溪方議建復
公祠不半年而解任去予既踵
成之謁正廟想見其為人知公
有遺集十數卷亟欲一觀以

為快詢所存者僅一部在公裔
孫家珍為碩果不輕假閱四
載而後宛轉購得之雖誦之
下慨然知公當棋危地險萬難
措手之時而宏濟艱難所向

叙

二

有功其才識固自絕人愛莫非
仁意惻怛忠君愛國之至誠
而積結不發越步也當時靖
江楊公以兵曹參軍務其公
靈稍久作紀實一篇其弁言

潛叙勲德而要其歸曰誠斯真
能窺公之底蕴者却是書合奏
議雜文凡若干卷卒讀一過
竊歎正氣所留英靈何獲
乃從叔厝中僅存片羽者而

叙

三

又恐孤傳之不廣且數十年後
或更散佚殘缺後之人將安從
悉諸雖公之重名事業嘆之人
口不藉是以彰而所謂仁慈惻
怛忠君愛國之誠與經濟韜

畧跡從步概莫得而窺寃焉
則知人論世之謂何且表揚
前烈都人士之責亦有所若
之任也爰籌資以壽涉梓俾
公之遠志傳諸永久允讀是

叙

四

編者如見公之生平而庶有所
興起也夫

光緒紀元歲次乙亥如月下
知宜興縣事會稽後學施
惠謹叙

盧忠烈公文集敘

忠烈公以身許國卽以死徇難傳者凡二十餘家無非表揚忠赤徵信來茲顧或重稱而鮮當或傳述之未真何得爲定論哉宜興舊志有死由輕敵之說邑侯文公超靈改云大厦將傾非一木能支故其死關國運此足爲忠烈公吐氣尙未足盡忠烈也嘗觀有明鼎革之際上猶有英明淬厲之君下非無忠義奮發之士果得如公者數輩委以封疆之計決策議戰或未必卽至于亡乃使楊嗣昌等得而間之孤軍深入卒繼以死國事遂不可爲

原序

矣公少時讀張睢陽岳武穆傳輒慷慨自許至此爲能不負所學云且公亦非急功近名罔識機宜者湄隱園之寓言也而知少無宦情與當事諸公言兵事也知多方牽制勢難由已特忠愛之氣迫于至誠故任其責而不辭至于死而不悔不數十年而江南學臣李公振裕督臣董公訥撫臣田公雯以忠烈事具題奉

命建特祠以聖賢禮春秋致祭忠魂其可少慰矣乾隆五年直督高公斌以廣大順三郡士民謚思忠烈之監軍也疏聞于朝奉

今上命入三府名宦九年江南督臣尹公繼善撫臣陳

公大受復以忠烈父國彩胞弟象晉象觀從弟象

同四人之節烈以聞奉

命俱入鄉賢歲時致祭嗟乎象晉象觀象同俱未出仕

抗節于順治乙酉之年曾不之罪

特獎其節烈而祀之仰見

聖朝之勸善作忠無微不彰也况忠烈之勳烈燦然如

鄖陽如宣大戰功所及如宛洛如滁陽遇樂道人

善如李公振裕諸君子聞之於朝惡在不如廣大

順三府之明禋報祀者乎若夫文集奏疏忠烈公

原序

原不藉是以傳而讀其書者未嘗不可想見其爲

人特是兵火之後散失幾盡曾姪孫豪然博採旁

搜得奏疏十有其八鐫而呈之史館曾孫安節集

傳記凡二十五首更編次年譜與所得遺集敬刊

已有歷年近見明史本傳視文邑侯所改尤深切

著明謂是可以表先烈而昭遐世矣安節之從遊

惠子震慨然付梓以永其傳余聞其年譜讀其全

書觀我

朝顯忠遂良之典暨當時好善諸公益見忠烈之血忱

雖屢遭抑鬱而無不彰也是爲序

乾隆二十有七年重光大荒落松陵後學李治運謹識

原序

三

文集原序

嗚呼國之存亡雖曰天命豈非人事哉余觀盧忠烈公先生之死而知明之所以亡也昔人嘗論有天下者好戰則亡而明之亡也亡於惡戰平居天下無變公卿大臣安其祿位保其寵榮優游風議以苟延歲月疆場之事漠不關胸一旦有急則畏懦蹙縮輒假持重之說以待寇之自退中外觀望習爲固然而先生獨毅然請戰蓋戰之一字當時人不能言不肯言亦不敢言先生發憤言之慷慨激烈聲與淚俱至動天子之容而遂攫當事之怒既惡其異已又忌其成功從而齟齬之束縛之

原序

四

不陷之死地不止悲夫先生縱不死於戰能不死於讒乎等死耳與其死於讒也寧死於戰死於讒必將被以誤國之名死於戰則猶可紓其報國之志先生其籌之熟矣不然先生固老於兵者豈不知孤軍深入爲必危之道而推鋒陷陣非儒者長哉故先生之死於戰也亦勢之不得不然者也如是者猶不足以見先生而惟召對時所陳方略及折楊嗣昌數語侃侃烈烈無少依違不獨壯國威而伸士氣而在當時禦侮之策亦無有易此者此足以見先生審勢之明慮患之悉而非喜事立名者之可並奈何盈庭不悟反出力而擠之死先生既

死而後遂無一人言戰者卒至開關延敵拱手揖讓以至於亡此其可以太息流涕而痛恨於當事之愚且惑也先生忠謀至計見於章疏者史官類能書之其他文章世多不見今先生之幼子天馭長孫聲諧痛手澤之弗存也於遺簠中得所爲記一首家訓三首詩若干首將梓而傳之於呼先生固不待文而傳者也而天馭聲諧九拳拳於是者亦見先生疇昔之梗概光明磊落雖倥偬之際率爾而作皆憂思深念無一語及私者其所樹立蓋天性使然而非一時偶然發也余小子景仰先生有年矣歲庚戌適宰廣宗去賈庄不遠士人爲指示

原序

五

先生戰處多歎惋有泣下者以是知忠義之動人雖田夫牧豎之無知猶感慕而激發况讀其文如見其人者乎迨其後裔皆好學有行鄉里所推先生沒已數十年猶守其遺訓而表出之是可謂克念其祖者矣爰拜手而識之云同邑後學萬錦雯撰

此康熙戊辰初刻序也嗣後安節續得詩四首傳一首墓誌銘一首書若干首謹依次刊刻仍注明篇目之下以志所自至公奏疏前後鈔集二百餘首按年考核自崇禎七年四月撫鄖至十二月奏疏及公牘俱全八年正月至六月俱闕撫楚奏議自八年七月

至八月俱全總理奏疏自八年九月至十一月俱全八年十二月至九年七月惟剿蕩愆期定止輸餉奏唐王三疏餘俱闕宣雲奏議初刻二刻三刻俱全四刻全本係同邑建安吳君之家藏皆崇禎十年十二月以前事也五刻存二十二首六刻存二十五首中有闕字殘行都計奏疏之缺者十之三乾隆壬戌曾姪孫豪然謹將奏疏之存者選刻倘好古積書之家有留藏先曾王父筆墨詩文者幸不吝賜錄俾依次刊刻得成全書不特安節一人感佩已也時維

原序

六

乾隆十有一年丙寅曾孫男安節拜識

明大司馬盧公傳記序

儲大文

明兵部尚書總督援師贈太子少師盧公邑桃溪里人也公忠勇大節繇明史外良常宗璠曹氏暨陽黃氏定九陳氏西川鑄萬唐氏毘陵青門邵氏予從祖在陸先生胥有傳四明季野萬氏有明史蔡傳邑雪城許氏有戎車日記清江機部楊公有記實而公昆季胥有傳鑄萬青門在陸先生號工古文詞季野最熟明一代事雪城賓公幕而楊公又當時詩人所謂參軍新命一朝下單騎夜出長安城者也按諸編胥載公汝州朱龍橋七頂山之捷賊幾殲以楚郎二撫不能截漢江賊廼繇光

更有馬盧公傳記序

卷首

七

化羊皮灘逸入荆夔郎興諸山史藁又謂援勦諸騎軍不能入山廼偕秦督易將而入援之命下賊復熾按公嘗令監紀張令文募滇軍石屏土舍龍在田謂滇軍輕走遠跳善搜山公又嘗請調四川及鎮守兵若踰月無入援得崙意辦賊而間檄川黔滇兵仗擊之則賊必可殲也公嘗疏督臣理臣宜有崙兵有崙餉若使如古巨鎮牙內親軍銀槍効節諸營制則較標兵機兵勢彌壯而驕弁悍卒亦罔敢聚謀矣是故明之亡不亡于賊亡于兵制之不講而并屯衛護合府兵意而胥失之也予少聞長老言公日肄馬於樓級部隊躡者輒罰治蓋公

兵本可入山故嘗偕陳保德成烏林闕也家溝獅子山功時謂無穴不搜而援勦諸軍不能盡如公肄士馬法公嘗疏臣與督臣有勦法無堵法有戰法無守法蓋明季諸臣如武陵之分四正六隅昆明之議節短勢險胥不越堵法而代州之設總督總理其始既鞭長而不及其未必尾大而不掉勦堵戰守動輒扞格直可謂無法公不幸當其阨又束縛于國制廷議而莫之克展不得已以大將兼戰將而以身兼皇甫嵩爾朱榮楊義臣李克用狄青察罕帖木兒之戰多非曩日督府東鹿青神太原東平雍容麾幢之所克逮也史藁又謂朱龍橋

更有馬盧公傳記序

卷首

八

之役祖寬實首庸嘗奉公衣請覈斬級後改隸秦督尋以援勦山東麗辟議者謂偕賀人龍胥悞用臨淮斬張用濟轅門法而氣象彌索惟公實始終善全之大臣體國猜忮盡泯而寬抑亦宜偕顧顯揚陸凱俞振龍暨張令文虎大威楊國柱楊世恩李輔明李卑葛麟陳安胥附從祀之列者也諸編載公督宣大積穀二十萬按宣大山西兵十七萬七千有奇京運年例民運鹽引本折宣府凡銀百三十四萬兩有奇大同凡銀四十七萬兩糧七十一萬石鹽十二萬引胥有奇山西凡銀六十九萬兩本色四萬九千石胥有奇若歲積穀二十萬則可

當民運之什四而缺餉無譚并勦餉亦無庸增矣此又趙充國鄧艾之碩畫也及其再入援公既不得以宜賓嘉魚詞臣嘗試之轍自恕又不敢以武定鄢陵督臣疎聞之咎自解而新城之功薄而賞厚東莞之知彼而知已又未嘗不早見預籌之顧以衰經在身金革變禮義當決戰以永杜長垣永寧永城虞城逗撓失律諸臣口而兵部議關寧勁旅隸之監督高起潛宣雲奔命旅隸之公尙書陳新甲詣營又分兵予之京營將王樸又帥大同山西兵徑去慶都力戰嵩水橋繼之疲兵不贏五千而轉餉久缺又所謂以賜劍之靈不能使縣令一開

明司馬盧公傳記序

卷首

九

城門者廼彌知崙兵崙餉之不可無明行間重寄統轄幾半天下曾不逮唐一小鎮節度使是故季年大勢議者謂米脂能驅民以爲盜臨清能驅盜以爲兵宜倣古建侯方鎮制捐中原地盡委之它堡若豪傑准此如公正宜首膺周方伯連帥唐兵馬副元帥宋李綱議設帥府要郡范宗尹議設鎮撫使文天祥議設四閫金源封十一公蕃輔任而經督理撫承元行省行院南臺西臺之制而少更其名祇足以藉寇兵而齎盜糧也公沒於莊烈戊寅王夫人請卹公弟象晉象觀又請之越五載廼復兵部尙書贈太子少師而忠烈之謚崙祠之建且

猶有埃焉雲間詩曰聖朝豈有中山謗海內如憐新息侯此非盡繇譏諂蔽明而抑亦明制之廓而不實蘊而不捷者爲之也史藁書象晉爲象雲業釐正象晉字錫侯諸生嘗疏請假步騎三千闕外屯田不用晚棄家爲僧殯以缶象觀殉震澤之小湍從弟象同偕死而王夫人迄康熙甲戌予嘗偕弟中子茂才蔣君謁見于暨陽邸舍蔣君整冠歎曰此今日典型也因偕奮直猶富之魚肉公裔者而夫人爲盧氏忠臣復六十年蓋一門之義槩若此錫侯公孫豪然以文解宰威縣適公整飭三郡兵巡地政有廉惠聲嘗彙編盧氏傳記以簡予予爰

明司馬盧公傳記序

卷首

十

序而論之俾百世而後知公退築澹隱園之志雖不克就而五明驥躍越沙河數丈暨樓級日肆之馬猶若乘颺鞭霆而時煜爚迅閃于茗嶺之上桃溪之干也

明大司馬盧公集總目

卷首

舊序

明史

邑志

紀實

集傳

祭文

圖像

年譜

明大司馬盧公集

卷首 總目

卷一

撫鄖奏議

卷二

撫鄖奏議

附

撫鄖檄文

撫鄖公牘

卷三

撫楚奏議

卷四

總理奏議

卷五

宣雲奏議

卷六

宣雲奏議

卷七

宣雲奏議

卷八

宣雲奏議

卷九

明大司馬盧公集

卷首 總目

宣雲奏議

卷十

宣雲奏議

卷十一

文集

附尺牘

卷十二

詩集

附詩餘

凡例

一豪然刻本凡十二卷題曰忠節全編茲卽其本及盧氏家藏疏稿校勘付梓

一盧氏家藏疏稿十卷與忠節全編略同惟分卷稍異耳公移文檄概從刪汰篇中緣起可節者亦從省有刪無增

一刻本及稿本標題但採緣起首句往往不得篇中要領嘉慶十八年所刻聚珍版同今於可從者從之不可從者別製標題

一公以崇禎七年撫鄖八年五月撫楚十月總理直隸

凡例

河南山東川湖軍務九年總督宣大山西軍務刻本稿本編次一依歷官前後今仍之惟宣大奏議自十一年八月以後全缺刻本亦然海內有收藏者更俟續補

一稿本中有投揭行牌告示應存者均附於各任奏疏之後又稿本詩文頗夥未暇全刻擇其尤者附於全書之後

一乾隆四十一年奉 旨賜諡忠肅而舊本詩文俱題忠烈公集蓋仍前明舊諡也茲但書銜不復仍用舊諡

一楊文正公所撰盧公事實一卷乃崇禎十二年送公歸葬途次所輯一字不敢增損附刻於後

凡例

本傳

明史

盧象昇字建斗宜興人祖立志儀封知縣象昇白晳而臞膊獨骨負殊力舉天啓二年進士授戶部主事歷員外郎稍遷大名知府崇禎二年京師戒嚴募萬人入衛明年進右參政兼副使整飭大名廣平順德三府兵備號天雄軍又明年舉治行卓異進按察使治兵如故象昇雖文士善射嫻將略能治軍六年山西賊流入畿輔據臨城之西山象昇擊卻之與總兵梁甫參議寇從化連敗賊賊走還西山圍遊擊董維坤冷水村象昇設伏石城南大破之又破之青龍岡又破之武安連斬賊魁

本傳

一

十一人殲其黨收還男女二萬三郡之民安堵者數歲象昇每臨陣身先士卒與賊格鬪刃及輦勿顧失馬卽步戰逐賊危崖一賊自巔射中象昇額又一矢僕夫斃馬下象昇提刀戰益疾賊賊走相戒曰盧廉使遇卽死不可犯象昇以是有能兵名賊懼南渡河明年賊入楚陷鄖陽六縣命象昇以右僉都御史代蔣允儀撫治鄖陽時蜀寇返楚者駐鄖之黃龍灘象昇與總督陳奇瑜分道夾擊自烏林關也家溝石泉壩康寧坪獅子山太平河竹木砭等口諸處連戰皆捷斬馘五千六百有奇漢南寇幾盡因請益鄖主兵減稅賦繕城郭貸鄰郡倉

穀募商採銅鑄錢卽得完輯八年五月擢象昇右副都御史代唐暉巡撫湖廣八月命總理江北河南山東湖廣四川軍務兼湖廣巡撫總督洪承疇辦西北象昇辦東南尋解巡撫任進兵部侍郎加督山西陝西軍務賜尙方劔便宜行事汝洛告警象昇倍道馳入汝賊部衆三十餘萬連營百里勢甚盛象昇督副將李重鎮雷時聲等擊高迎祥於城西用强弩射殺賊千餘人迎祥李自成走陷光州象昇復大破之確山先是大帥曹文詔艾萬年陣亡尤世威敗衄諸將率畏賊不敢前象昇每慷慨灑泣激以忠義軍中嘗絕三日餉象昇亦水漿不

本傳

二

入口以是得將士心戰輒有功九年正月大會諸將於鳳陽象昇乃上言曰賊橫而後調兵賊多而後增兵是爲後局兵至而後議餉兵集而後請餉是爲危形況請餉未敷兵將從賊而爲寇是八年來所請之兵皆賊黨所用之餉皆盜糧也又言總督總理宜有專兵專餉請調咸寧甘固之兵屬總督薊遼關寧之兵屬總理又言各直省撫臣俱有封疆重任毋得一有賊警卽求援求調不應則吳越也分應則何以支又言臺諫諸臣不問難易不顧死生專以求全責備雖有長材從何展布臣與督臣有剿法無堵法有戰法無守法言皆切中機宜